

五邊典則

顧廷龍署



五達典則

續正統志

五邊典則卷之十一

信安徐日久子卿父集

勾餘施邦曜爾翰

閩漳張

變紹和父

陝西總

洪武十二年二月遣使

勅曹國公李文忠曰二月廿五日報至知大軍
已入西番朕思之自河州至西番多不過五
六日今諸將已至其地勝負必決矣符至爾
卽率師從洮州鐵城取道而出

朕嘗有密諭當遵而行之山西之軍卽令還衛
洮州猶宜擇人守之可見

聖祖用兵倏忽往還函亟回顧惟恐沾帶一事
搖動本根

廟算深遠矣

十七年六月戶部舊庫關衛見儲軍餉可給
三年其餘米五十二萬四千二百七十二石
運貯西安府倉鳳翔衛見儲軍餉可給三年
其餘米十四萬六千零四石宜運貯鞏昌府

倉從之今兩處土地軍民如故也軍儲亦可
還按否乎

二十三年耿炳文奏陝西都司所屬二十四
衛馬步軍一十四萬四千九百九十一人馬
八千三百七十二匹

二十五年遣使至甘肅諭都督宋晟劉真曰
凡西番回回來互市者止于甘肅城外三十
里不許入城先是嘗遣回回使西域諸國留
其家屬居于西涼逗遛五年不還其餘回回

居邊上者又數劫掠爲邊將所獲事聞
上以回回王使者朝貢往來恐因生邊釁
命徙居揚州旣而復有願挈家還本地者
上始疑其覘我

中國至是

命晟等自今西番回回來互市者毋令入城若
朝貢之使欲入城者聽

二十七年六月先是西寧炒團等簇王番亦
令真班等言於都督宋晟願率番民男女入

百餘人內附至晟還

朝以聞

上曰蠻夷嚮化其心固善懷柔之道要在不失其本性耳

命仍於本族居之

二十九年三月遣行人陳誠立撒里兀兒爲安定衛指揮使司初自安定王卜煙帖木兒遣使朝貢詔立其酋長爲四部給銅印守其地後番將朶兒只巴叛遁沙漠過其地大肆

殺掠并奪其印去由是其部微弱藍玉西征
兵徇阿真川土酋司徒哈答等懼竄匿山谷
不敢出及肅王之國甘州哈答等遣僧徹兒
加藏卜等至甘州見王乞授官以安部屬王
爲奏請于是遣誠立其部爲安定衛以銅印
五十八給之置官屬如諸衛

三十一年正月

上諭戶部尚書郁新曰大寧開平三衛鹽糧若
儲峙已多則令商人輸粟於東勝西河以備

軍餉新言大寧儲粟六十二萬餘石開平止
二萬五千八百石甘肅亦不過十五萬二千
石其商人所入未宜改輸

上曰大寧姑罷若開平儲至四十萬亦宜止之
俱令轉輸東勝其價與大寧同西河之儲姑
俟甘肅積五十萬石然後再議

永樂初寧夏總兵何福奏請所調馬步官軍
在邊者五月一更以息之屯田犍軍內選驍
勇者免徵其租令操習聽調河州多產馬購

其良者以廣邊防把隘軍士宜給皮裘狐帽
禦寒悉從之

勅福曰所籌邊務悉當

朕意今冬寒正虜寇出沒之時尤宜嚴謹邊備
回回有來市馬者聽須立官市於城外定其
價官與收買爲長久計仍嚴出境之禁凡諸
事務悉宜慎察

元年閏十一月寧夏總兵何福奏諜報塔灘
韃賊籠禿魯灰等見在不老山衆議欲寇寧

夏惟賊帥嵬的哥以資糧不給不從

上覽奏謂侍臣曰胡寇至誦此語未必可信籠
禿魯灰必心計可行然後發言且胡地非有
耕種不過抄掠取食豈如中國之人必累糧
然後啓行其以資糧不給爲辭者嵬的哥恐
洩事機故外託此爲說內實陰謀襲我不備
朕計此時賊若不出搶桿野狐二嶺及雲州之
地必向山西大同其速書

勅往諭北京行都督府并山西都司行都司令

簡士卒嚴哨瞭固守備不可怠忽既書

勅未行山西奏報韃賊五十餘人劫掠灰溝村

黃甫川皆如

上所計

十年七月寧夏總兵柳升奏請修築察罕腦
兒舊城河凍之時撥軍巡邏

賜勅報曰修城之策固善未知城成之後守者
須用幾人人少則難於守備多則難於餽餉
朕意此城不過關防一二逃卒若寇猝至不能

禦之反以資之如何爾更熟議如果便利卽聽修築

先是八年涼州衛韃官虎保韃軍老的罕等以

上方北征鼓衆叛亂

皇太子命費蠟往討平之虎保等遠遁十一月上以韃官之叛惑於流言非其本心

勅宥其罪于是虎保等亦令真巴等來歸十年

七月

上以士韃終懷反側

命徙入蘭縣就糧已復叛十一月甘肅總兵宋
琥言叛寇老的罕等依赤斤蒙古衛塔力尼
不除將爲邊害

上命楊榮往陝西同豐城侯李彬經略之彬言
叛寇固當誅但軍行道路險惡難於饋運榮
亦謂隆冬非用兵時彬猶豫榮請自歸奏之
見

上具言未可用兵之故遂

勅止彬勿進遣人齎

勅諭塔力尼塔力尼聽命擒送老的罕等至京
師宋琥亦護送孛答兒伯顏等八百餘人至

京

上宥其罪發廣東廉州衛充軍

宣德元年三月陝西按察僉事饒安奏寧夏
甘肅重兵鎮戍供給糧餉民力甚難其地皆
極肥饒官軍且耕且守最爲良法

太宗皇帝嘗命勘覈其田十不得一雖已屯種

不足於用若令廉幹大臣往同二處總兵官
勘覈分給諸軍更番下屯課其實効仍禁官
豪勢要之家不許侵占隱匿則地無遺利軍
有餘糧可省轉輸之勞

上嘉納之

六年二月鎮守河州都督劉昭奏今烏思藏
等處使臣往來多用腳力車牛缺茶買辦乞
令四川運茶三十萬觔分貯河州三茶司馬
以備支用

上諭行在戶部臣曰四川民貧近時茶課多不足今欲運茶三十萬勸民不堪命但令近河州軍衛有司官庫所貯貨物從昭用以易牛庶幾少甦蜀民

七年二月廿肅總兵劉廣奏此奉

勅遣都指揮同知印回西寧衛土官都指揮僉事李文等往甘州白城山招撫西番阿吉簇逃徙番民七百餘帳還居野馬川今千戶他里巴言頭目朶里只領真等六十餘帳逃